



К Н И Г А

Глаголема

Минѣя Четъла.

СКАЗАНИЕ И СТРАДАНИЕ СВЯТЫХЪ АПОСТОЛЪ, И ПРОРОКЪ, И СВЯТИТЕЛЕЙ, И МУЧЕНИКЪ, И МУЧЕНИЦЪ, И ПРЕПОДОВНЫХЪ ОТЕЦЪ, БОГУ УГОЖДЬШИХЪ МУЖЪ И ЖЕНЪ, ТРЪПНІА И СТРАСТИ И ИСПРАВЛЕНІА, ОТЪ ОБОЮНАДЕСЯТЕ МЪСЯЦЮ. СЪБРАНИЕ СВЯТЫХЪ ВСЕГО ЛѢТА, ОТГДѢ И КОИЖДО ИЗЫДЕ, И ИГДѢ РОДИСЯ, И КИМИ ЛѢТЫ, ИЛИ МУЧЕНИЯ РАДИ ИЛИ ПОЩЕНІА ДѢЛЯ, КОИЖДО ВЪНЕЦЪ ПРИАЛЪ ЕСТЬ, ИЛИ ТРУДА РАДИ, ИЛИ МИЛОСТЫНИ ТВОРЕНІЕМЪ КІИЖДО ИХЪ ХРИСТА УМИЛОСТИВИ СЕБѢ И ВЪ МѢСТЕХЪ РАЙСКИХЪ ВЪДВОРЯЮТСЯ. ЗАЧАЛО СЪТВОРИХЪ О ВОЗѢ И ІАЖЕ З БОГОМЪ ПОЧИНАЕМЪ.

МЪСЯЦА СЕПТЕВРІА ВЪ 1 ДЕНЬ начатокъ индикту, рече новому лѣту. Господи благослови отче!

Аще ли есть святитель въ церкви, да глаголетъ чтяй вначалѣ: Господи благослови Владыко!

Вѣдѣти есть, тако индикта празднуетъ Божіа церкви отъ древнихъ примши: зане мнѣти отъ Римлянъ начатку быти лѣту, и отъ того индикта, и то отъ Римлянъ повелѣніе; зане в таковий день внити

1. 6. Господу нашему Иисусу Христу || въ соборъ Лул. 4, 15—22. жидовскій, и даша ему книги Исаія Пророка; и разгнувъ обрѣте мѣсто, идѣже бѣ написано: Духъ Господень на мнѣ, егоже ради помаза мя благовѣстити нищимъ, посла

мя и цѣлѣти сокрушенныя сердцемъ, проповѣдати плѣнникомъ отпущеніе, слѣпымъ прозрѣніе, послати сокрушенныя во ослабу, проповѣдати лѣто Господне приатно. И сгнувъ книгу отдасть слузѣ, сѣде і учаше я, глаголя: яко днесь сбытѣся писаніе се въ ушю вашею. И дивляхуся народи о словеси благодати, исходящихъ изъ усть его. *)

|| МЪСЯЦА СЕПТЕВРІА ВЪ 1 ДЕНЬ, 9. а иже въ святыхъ отца нашего Іоанна, Архіепископа Константина града, Златоустаго, слово в началѣ индикту.

Чюдна православныхъ трѣжества, свѣтлы мученическыя памяти, не постыдна благочѣстивыхъ веселія,

*) Въ этомъ мѣстѣ Царскаго списка сдѣлана выноска (+) къ верху страницы, гдѣ написано: «Зри назад: въ тѣ же день слово Іоанна Златоуста индикту», которое и помѣщено послѣ указа главамъ, предъ началомъ Миней. Въ Успенскомъ и Софійскомъ спискахъ этого, здѣсь помѣщаемого, слова нѣтъ.

всякого очищаютъ досаженія нашего. Не празднуемъ лѣту несъставно движиму, не почитаемъ годину чловѣческыя жизни истощителницу; не поклоняемся вѣку, въ тлю насъ влекущему; не служимъ твари, срабна бо бывшимъ; не служимъ тинѣ, отъ не сущихъ бо предста: такоже бо бытіе имугъ сіа, сице и тлѣніе подлежитъ кончинѣ; не чтемъ небо, тако дымъ бо утвърдися; не чтемъ твердь, отъ не сущихъ бо ледовидно сътворися; не почитаемъ свѣта, словомъ бо съдѣтельствовася; не чтемъ солнце, отъ свѣта бо исковася; не чтемъ луну, въображеніемъ бо украсися; не чтемъ звѣзды, потребности бо ради създашяся; не чтемъ землю, отъ воды бо призвана бысть; не служимъ огню, вещественъ бо съставъ; не чтемъ воду, текущаго бо естества; не служимъ годинѣ, не стоитъ бо; не чтемъ день, повелѣніемъ бо работаетъ по вся лѣта: състарѣваетъ бо лѣто, съ всѣми състарѣется; Богъ же единъ ветхости вышыши и гавить

9. 6. конечный день. || Еллини убо и Іудее братія незаконна, діаволяа користи, грѣховныи внуци; прельсти пища, нечестія тма, геенны наслѣдници, гребци нечестія, сынове клятвы. Сіи бо да празднують нечестивѣ, понеже мудръствуютъ непреподобнѣ; они убо прелесть да почитаютъ, овы же законъ да попираютъ, и другъ друга лукавству да поучаютъ, съгласишя бося: Іудее бо отъ Еллинъ навикошя идолослуженіе, и Еллини отъ Іудей научишяся пророкы побивати; Іудее бо в законѣ всю еллинскую изгавишя прелесть. Но или негодуеши, о Іудею, сіа слышавъ? въспомани съдѣяннаа и не смущайся о укоризнѣ. Гдѣ бо идоломъ не послужилъ еси, рци ми? Въ пустыни тельца изліалъ еси; побѣдивъ, Веельоегору послужилъ еси; въ Моавитѣхъ Хамосу поклонилъ еси; въ Палестинѣ Дагону пожрълъ еси; въ Вавлонѣ Вулу жрътву принеслъ еси; въ Очникыи Астарѣти послуживъ; въ плѣненіи о Хамосѣ плакалъ еси. Оскудѣ мѣсто, не оскудѣ же мръзость; сего ради и праздникы ваша ненавидитъ Владыка: всякъ бо твой праздникъ, о Іудею, убійство принесе. Постыся, Науеа побилъ еси каменіемъ; праздуя, Ісаіу претрълъ еси; тръже-

9. в. ствуа, Іереміу въ ровъ каленъ || въврѣже; въ суды и свары непреподобнѣ постилъ еси, обыдався; при Или квуть предалъ еси; Іоанну главу отгьятъ. Аще сице празднуеши, плакати тебѣ лучши есть. Мы же днесъ празднуемъ божественая и преславная чудеса, мученикъ страданія, погребенныхъ раки, невидимыхъ мрежа, разрѣшенныхъ врачеванія, Стефановъ каменноплѣтеный вѣнецъ, преславнаго Лаврентія таже смертію побѣды, Агаіно необуреванно дѣвство. О Троице, трояческая проповѣди! О мощи святыхъ, больныхъ лѣчыбы! О праше, источникъ чудесь! О море, небесныя доброты подобіе! Обличивъ срабныя, проповѣмъ и азъ Владыку: не отяготѣваетъ мя стопа създавшаго мя, освящаютъ мя нозѣ Създателевѣ; Моися раздѣли, но съи освяти; Іону поглотихъ, сего же трепещу; Ноа обуревахъ, но не дрѣзаю върѣти на сего, иже чловѣкы създавшаго; ногама мене шествовавъ освяти; небо престоломъ прослави; землю гасльми просвѣтли; ада гробомъ угасни; и мене убо да освятитъ стопами: нѣсмъ бо безумень или бездушень; познаваю, тако създаніе създавшаго; не глаголю съ Іудей: съи чловѣкъ нѣсть отъ Бога; съи Богъ мой, и прославлю и; покажу таже моего естества, обличивъ || убійць нравы, проповѣмъ и по мнѣ 9. г. ходившаго дрѣжаву; сіи клѣврети, онъ Владыка; не отъ страха сихъ смущаюся; Владыка убо въ мори немокрено шествова; ови же, плавающе въ мори, мльву дѣяху; страхъ же бѣдствующихъ звати творяше; чловѣколюбивый же пастырь еже дрѣзати повелѣваше, глаголя: дрѣзайте, Азь есмь, не бойтеса; дрѣзайте, вѣры имате дрѣжаву, идолослуженія мльва не потопитъ васъ; дрѣзайте, іудейская неистовства не погрузятъ васъ; дрѣзайте, еретическыя буря не обуреваютъ васъ; Азь есмь събезначальное Слово Отцу, несъзданнаго начяла вѣтвь, мирскаго грѣха агнецъ, градскихъ обуревашии крѣмчій, православныя вѣры съкровище, мученичскихъ подвиговъ мзодатель; Азь есмь, не бойтеса: идѣже бо свѣтъ приходитъ, отбѣгаетъ тма, благодатию и чловѣколюбіемъ Господа нашего Іисусъ Христа, емуже слава и дрѣжава съ безначальнымъ Отцемъ и пресвятымъ и животворящимъ

Духомъ, нынѣ и присно и въ вѣкы вѣкомъ.
Аминь.

11. 6. **В ТОЙ ЖЕ ДЕНЬ** память преподобнаго отца нашего Симіона Столпника.

Славный Симіонъ бѣ отъ Антхія Сурьскыя и пасяше овци родителю своему. Упразднижеса в годъ зимы, вниде въ церковь и святаго Евангелія послушавъ, блажаща и хваляща ненавидящихъ мира и Бога любящихъ, оставив же родителя и все имѣніе, и вслѣдова Христови; и шедъ в лавру, глаголемую ограду, и бысть мнихъ, въ царство Лва Великаго, и пребысть нѣколько в той лаврѣ, и всѣмъ старымъ мнихомъ всѣми добрыми дѣлы преодолѣвъ, и свое тѣло алканіемъ и жажею и озлобленіемъ удручивъ, ибо постися 40 дній, ихъже

11. в. 20 стояше не сѣдая, а 20 || сѣдаяше отъ труда. Послѣди же взиде на столпъ высокъ, на немъже многа чудеса сътвори, и велми дивенъ бысть всѣмъ человѣкомъ, и многи отъ поганыхъ къ Господу обрати, и 40 лѣтъ работавъ ему преставися, в руци Господеви прѣдавъ святую свою душу, и погребенъ бысть славно.

Чудо 1-е святаго Симіона, о презвтерѣ.

Презвтеру нѣкоему сѣдящу въ единъ отъ дній въ притворѣ церковнѣмъ и чтущу ему святое Евангеліе, и се духъ непріязненъ идяше к нему въ образѣ облака темна и мрачна, и възложися аки клубукъ на главу ему, и взяся свѣтъ его, и умъ отъ него отъяся, и разслабиша вся кости его, и не можаше глаголати. И вшедше обрѣтоша его яко мертва; и пребысть в той извѣ лѣтъ 9, не могый обратити себѣ на страну, аще кто не обращаше его. Слышавше же свои ему яже о святѣмъ Симіонѣ, поидоша несущи его на одрѣ къ святому Семіону; не дошедше же треи поприщъ отъ монастыря прележаше ту. Святому же Симіону стоящу на молитвѣ, открыся ему о презвтерѣ; и в полунощи призва святой отъ ученикъ его, глагола ему: прими отъ воды сея, иди скоро, и обрящещи тамо нѣкоего презвтера,

11. г. носима на || ложи; покропи его водою сею и

рци ему: глаголетъ ти грѣшный Семіонъ: въ имя Господа нашего Исуса Христа въстани и остави одрѣ свой и приди ко мнѣ своимъ ногама. Шедъ же ученикъ и сътвори по глаголу святаго; и вѣста презвтеръ здравъ весь, и пришедъ поверже себе предъ святымъ. И рече ему святой: въстани, не бойся; аще опечали ты діаволъ лѣтъ 9, но человѣколюбіе Божіе не остави тебе до коньца погибнути: яко неблагобоязненно, но и прѣобидѣнно въ святемъ олтарѣ стояше и преже обрѣтенія истины слушаше клеветникъ, осужающа тай ближняго своего и без вины оскорбляющея, отлучая причастія святыхъ тайнъ; и сія творя, человѣколюбца немало печалыше Бога, діавола же велми обрадоваше; тѣмъ на ты възможе діаволъ, но человѣколюбіе Божіе и щедроты его умножишася на тебѣ; ихъже ты еси опечалилъ, пришедъ обрящещи въ мнозѣ болѣзни молящая тебе, да прости ихъ ты; якоже сътвори Богъ с тобою, тако и ты сътвори милость с ними; прѣсти же вземъ здѣ, всыплещи на ня. И отшедъ презвтеръ с радостію, благодаря Бога, сътвори якоже повелѣ ему святой, и абіе исцѣлѣша и ти, славяще Бога.

В ТОЙ ЖЕ ДЕНЬ память сътворяется святѣй Богородици Миасинъ, 12. а на езерѣ Газуровѣ, монастыря же Миасинъ, страха ради иконоборецъ ввержену и по мнозѣ времени благоволеніемъ Божиимъ несквернену пригту.

В ТОЙ ЖЕ ДЕНЬ святыхъ 40 дѣвиць постницъ и Аммона діакона.

Си бѣша отъ Андрияна града Македоньска, християни ся исповѣдающе и Христу послѣдующе; учителя имяху, учаща ихъ о царствіи небеснѣмъ, Аммона діакона; гати быша Андрияна града княземъ, зане не жряху богомъ ихъ, и въ Вѣру ведени быша поклонитися идоломъ, и помолишася Христу, и повѣшенъ бысть жрецъ идольскій на воздусѣ, и на многи часы мученъ бывъ и отпущенъ бысть молитвами святыхъ дѣвъ. И посла отъ Веруя святыхъ дѣвы въ Ираклію Фрачскую к Ликинію мучителю и отдасть я на смерть; 18 же